



“Bal Ayım” бөбекжай-бақчасы

«Қош келдің, Жаңа жыл»

Тобы: “Балжан” кіші тобы

Топ тәрбиешілері: Жанзахова Г.

Нағметуллаева З.

2024 – 2025 жж. жылы

Жергілікті
Ергасова

Мақсаты: Балаларды қонақжайлылыққа үйрету, мерекелік көңіл-күй сыйлау.

Кейіпкерлер: Жүргізуші, Аяз ата, Ақшақар, аю, қоян, ұлу.

Корнеспіліктер: Ақ ұлпа қарлар, тәтті кәмпіттер, корзина, сыйлақтар.

Музыка әуенімен балалар қолдарына жылтыр қарлармен би қимылдарын жасап кіреді, билеп болған соң жарты шеңбер болып, шыршаның қасына барып тұрады.

Жүргізуші: Сәлеметсіздер ме, құрметті қонақтар! Сіздерді келе жатқан Жаңа жыл мерекесімен шын жүректен құттықтаймыз.

Келді тағы Жаңа жыл,

Қуантумен

біздерді

Құтты болсын мереке,

Құттықтаймыз сіздерді.

Жүргізуші: Балалар, қараңдаршы, біздің бөлмеміз әдемі безендірілген, біз бүгін Жаңа-жыл мерекесін тойлаймыз. Бізге көптеген қонақтар келіпті, шыршаға әдемі ойыншықтар ілініпті.

Жүргізуші: Балақайлар, қараңдаршы шыршамызда қаншама ойыншықтар, тәтті кәмпіттер ілінген. Осы әсем шыршамызға әдемі әнімізді тарту етеміз.

Ән: «Қысқы ән» (орындыққа отырғызу)

Арғы жақтан есік қағылады.

Жүргізуші: Балалар мерекемізге қонаққа келген сияқты.

Аяз ата мен Ақшақар кіріп келеді.

Аяз- Ата: Амансыңдар ма, балалар?

Сәлеметсіңдер ме, қонақтар?

Балаларым, балғыным

Өмір гүлім шалғыным.

Тілегенім жыл бойы,

Сендердің денсаулықтарың!

Ақшақар: Балалар, мені таныдыңдар ма? Мен Аяз атаның немересі Ақшақармын!

Аяз-ата- Ой, балалар шыршаларың қандай әдемі, керемет!

Ақшақар: қандай керемет менің ұлпадай әппақ сіңілілерім келіп қалыпты, сендермен би билегім келіп тұр. Келіңдер ортаға билейік.

Жүргізуші: аяз ата сіз ұзақ жолдан шаршаған боларсыз, отырып демалыңыз. Ал, ақшақар біздің әппақ қыздарымызбен би билеп көңіл көтерсін.

Би: «Шырша»

Ақшақар: Балалар қараңдарша айналамызда қаншама ұлпақарлар шашылып жатыр.

Қанекей бәріміз қарларды жинап, шыршаның айналасын безендірейік!

Ойын: «Ұлпақарлар жинау»

Ойынның шарты: Балалар ұлпа қарларды жинап, шыршаның түбіне қояды.

Ақшақар: Жарайсыңдар балалар, бір сергіп қалдық. Ой, қандай керемет шырша!!!

Қаншама жалтыраған ойыншықтары көп. Бірақ шамдары жанбай тұрғой.? Келіңдер балақайлар бірге шамдарын жағайық.

Ойын: «Шыршаның шамдарын жағу»

Ойынның шарты: Ақшақар балалармен қол соққанда шырша шамы жанады. Ал, үрлеген кезде шырша шамы сөнеді. Ойынды үш рет қайталау. /Ойынның шартын ақшақар түсіндіреді және ойнатады/

Жүргізуші: Қане балалар енді әдемі, әсем шыршамызға әнімізді арнайық.

Ән хоровод: «кішкентай шыршамыз»

Жүргізуші: Балалардың тақпақтарына кезек берейік.

Осы кезде Аяз ата ұйықтап шыршаның қасында отырады.

Ақшақар: Балалар қараңдар Аяз ата ұйықтап қалды. Ол алыстан келемін деп әбден шаршаған ғой. Ой, балалар тыныш, тыныш. Қасына барайық, келіңдер жақындайық. Қанекей балалар Аяз атаны оятайық.

Ойын: «Аяз атаны ояту»

Ойынның шарты: Кане балалар қолымызды қатты соғып, аяғымызды топылдатайықшы аяз ата ұйықтап қалыпты. Алақанымызбен қаттырақ соғайық. /Ойын 3 рет қайталанады/

Аяз ата:-(оянып кетеді)

Жүргізуші:- Келіндер балақайлар! Аяз атаны ортаға алып би билейік.

Би: «Санта клаус» (ұлдар биі)

Аяз- ата: Тамаша, керемет. Жарайсыңдар балалар бүгін сондай қуанышты мереке болды.

Ақшақар: Аяз-ата сіз ештеңе ұмытып кеткен жоқсыз ба?

Аяз-ата- Жоқ мен ештеңе ұмытқаным жоқ. /ойланып/ Балалар ән айтты, балалар мен бірге шыршаның шамын жақтым, тапқатарын тыңдадым, ойын-ойнадым. Жоқ ештеңе ұмытқаным жоқ.

Ақшақар- Балалар айтыңдаршы Аяз-ата сендерге не беруі керек?

Балалар- Сыйлықтар!!!

Аяз ата:- Ой, ой, ой кәрі басым-ай, балаларға сыйлықтарын беруді ұмытып кетіппін ғой. Кане қызым Ақшақар алып кел сыйлықты.

Аяз ата: міне енді дұрыс болды. Біздің балалар өте зерек, қонақжай. Олай болса, кане Ақшақар қызым, енді шыршаның түбіндегі сыйлықты алып келе қойшы.
Ақшақар шыршаның түбінде жатқан үлкен сыйлықты алып келеді.

Ақшақар:- Қараңдаршы балалар, Аяз ата сендерге қандай керемет сыйлықтар алып келген. Жаңа жыл деген таңғажайыпқа толы мереке ғой! Барлық адамдар бұл мерекені жақсы көреді. *қапшықтың ішін ашады, сыйлықтар шығады.*

Аяз ата- Ал,кәне,балалар,

Сендерге сыйлығым бар,

Аталарыңның сыйлығын

Қуанып қабыл алыңдар!

Жүргізуші: - Біз өнерлі баламыз,

Ертең-ақ өсіп толамыз.

Атамыздың сыйлығын,

Рахмет айтып аламыз.

Бәрі бірге: РАХМЕТ!

Аяз ата- Ал, балаларым тағыда Жаңа жыл құтты болсын.Енді біздіңде қайтатын уақытымызда болып қалды.Себебі, өздерің секілді балалар өнерлерін дайындап, сыйлықтарын алуға асығып отырған болар. Келесі жылы кездескенше қош сау болыңдар!

Балалар- сау болыңыздар!

Жүргізуші:- Би-биледік,жыр-жырладық,

Қызығына тоймадық.

Достарменен ойнадық,

Жаңа жылды думандатып тойладық! Ал, құрметті қонақтар осымен мерекелік ертеңгілігімізді «Шыршаға бардық»- әнімізбен аяқтаймыз. Келесі мерекеде кездескенше қош-сау болыңыздар!

Ән: «Шыршаға бардық»

